



## KEMENTERIAN KEWANGAN

### SIARAN AKHBAR

## PERUBAHAN KADAR-KADAR CUKAI IMPOT KASTAM DAN DUTI EKSAIS BERKUATKUASA 1 APRIL 2017

Kementerian Kewangan hari ini mengumumkan bahawa Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah memperkenankan bagi penyelarasan dan perubahan kepada kadar-kadar cukai impot dan eksais yang akan berkuatkuasa mulai **1hb April 2017**.

1. Objektif pindaan kepada kadar cukai impot dan cukai eksais ini antaranya adalah bagi mengemaskinikan struktur cukai barangan di Negara ini yang akan dapat mendokong beberapa objektif utama; antaranya bagi meningkatkan daya saing iklim perniagaan dan pelaburan Negara disamping memenuhi komitmen-komitmen tertentu di bawah Perjanjian-Perjanjian Perdagangan Bebas (FTAs) dengan beberapa negara samada secara dua hala atau berbagai hala. Pengemaskinian kadar cukai impot dan eksais ini juga turut menyasarkan kepada beberapa produk tertentu yang mempunyai beberapa matlamat, antaranya meringankan kos sara hidup terutama bagi golongan-golongan sasaran, menyasarkan penurunan harga bagi barangan tertentu bagi menggalakkan penggunaannya dan pada masa yang sama untuk mengawal penggunaan barangan tertentu dengan matlamat untuk meningkatkan tahap kesihatan dan kesejahteraan rakyat dan penduduk Negara ini.
2. Sebagai langkah untuk meningkatkan lagi perkembangan sektor swasta di Negara ini, pengurangan kadar cukai import dan eksais juga akan dilaksanakan ke atas beberapa barangan bagi beberapa sektor perniagaan seperti mesin-mesin perindustrian, alat ganti bagi kenderaan berat dan jentera berat. Disamping itu, kadar cukai barangan alat ganti dan tayar kenderaan akan dikurangkan bagi tujuan meringankan kos kepada pengguna di Negara ini disamping mengetengahkan aspek keselamatan bagi para pengguna. Manakala dari aspek kesihatan pula, kadar cukai ke atas beberapa barangan yang boleh memudaratkan kesihatan akan dinaikkan bagi mengawal permintaan pengguna, antaranya minuman atau makanan yang mempunyai kadar gula yang tinggi dan sebagainya. Langkah ini adalah selaras dengan usaha Kementerian Kesihatan dalam merealisasikan hasrat ***Bersama Ke Arah Warga Sihat***. Dari aspek alam sekitar, kenaikan kadar cukai eksais keatas produk plastik dan sebagainya adalah untuk mendokong usaha Jabatan Alam Sekitar, Taman dan Rekreasi (JASTRE), Kementerian Pembangunan bagi mencapai sasaran untuk mengurangkan jumlah

sisa buangan plastik yang perlu dilupuskan, kaedah penggunaan barangan kitar semula dalam kalangan masyarakat di Negara ini akan lebih diberi perhatian sewajarnya yang akan dapat membantu mengurangkan pencemaran yang boleh memudaratkan kesihatan penduduk di Negara ini.

3. Bagi tujuan mengimbangi pengurangan hasil cukai bagi barangan-barangan tertentu, cukai ke atas beberapa barangan seperti telefon bimbit, produk dari bahan kulit dan bulu binatang, alat permainan video dan lain-lain akan dinaikkan.
4. Bagi mendokong usaha melahirkan masyarakat yang sihat, Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, melalui kerjasama Kementerian Kesihatan akan juga memperkenalkan skim bantuan kepada ibu-ibu yang baru melahirkan anak damit yang terdiri daripada rakyat dan Penduduk Tetap Negara ini. Bantuan yang akan dihulurkan adalah seperti berikut:
  - a. Pemberian lampin pakai buang kepada setiap anak damit yang baru dilahirkan bagi tempoh selama 12 bulan dari tarikh kelahiran anak damit berkenaan; dan
  - b. Pemberian alat bantuan penyusuan susu ibu (*breast-pump*) pada setiap kelahiran atau bagi tempoh dua tahun sekali, tertakluk kepada tempoh mana yang lebih lama
5. Maklumat lanjut mengenai perubahan kadar-kadar cukai ini boleh diperolehi daripada laman sesawang Jabatan Kastam dan Eksais Diraja [www.bdnsw.gov.bn](http://www.bdnsw.gov.bn) atau [www.tradingacrossborders.gov.bn](http://www.tradingacrossborders.gov.bn) atau menghubungi terus ke Jabatan Kastam dan Eksais Diraja melalui talian 2382361.
6. Senarai barang-barang yang terkandung dalam perubahan tersebut adalah seperti berikut:

**PERUBAHAN KADAR-KADAR  
DUTI IMPOT KASTAM DAN DUTI EKSAIS**

KETERANGAN BARANGAN		SEBELUM 1 APRIL 2017		BERMULA 1 APRIL 2017	
		Impot	Eksais	Impot	Eksais
Tayar bagi motorsikal, kereta dan kenderaan berat	Tayar baru	20%	0%	0%	5%
	Tayar terpakai	20%	0%	0%	15%
Tayar bagi jentera berat	Tayar baru	15%	0%	0%	5%
	Tayar terpakai	15%	0%	0%	15%
Alat-alat ganti kereta		20%	0%	0%	5%
Alat-alat ganti kenderaan berat		20%	0%	0%	5%
Alat-alat ganti jentera berat		15%	0%	0%	5%
Mesin-mesin industri	Menggunakan elektrik	5%	0%	0%	2.5%
	Tidak menggunakan elektrik	0%	5%	0%	2.5%
Produk daripada bahan kulit dan bulu binatang	Barangan pakaian dan beg yang diperbuat daripada bulu binatang dan <i>furskin</i>	10%	0%	0%	5%
	Barangan begasi, beg pakaian dan beg tangan yang diperbuat daripada kulit binatang ( <i>leather</i> )	0%	0%	0%	5%
	Bulu binatang ( <i>raw furskins</i> )	0%	0%	0%	5%
Minyak rambut dan bahan untuk mendandan rambut		30%	0%	0%	5%
Alat permainan	Dart	10%	0%	0%	10%
	Video games and consoles	5%	0%	0%	20%
Barangan kemas, batu dan logam berharga	Logam berharga	0%	0%	0%	15%
	Barangan kemas	5%	0%	0%	15%
Produk makanan	Minuman mengandungi gula yang tinggi	0%	0%	0%	\$4.00/dal
	Produk gula dan koko	0%	0%	0%	3%
	<i>Monosodium glutamate (MSG)</i>	0%	0%	0%	30%

KETERANGAN BARANGAN		SEBELUM 1 APRIL 2017		BERMULA 1 APRIL 2017	
		Impot	Eksais	Impot	Eksais
Sebahagian barangan elektrik di bawah Chapter 84 dan 85	Perkakas barangan elektrik untuk kegunaan komputer seperti kabel, speaker dan juga termasuk mesin sistem letak kereta	0%	0%	0%	5%
	Telefon bimbit, dan semua jenis kamera digital	5%	0%	0%	10%
	Produk elektrik untuk kegunaan rumah seperti <i>microwave oven</i> , <i>water heater</i> , pengering rambut, televisyen dan sebagainya	5%	0%	0%	5%
	Perkakas dan peralatan elektrik seperti <i>generator</i> , <i>switchboard</i> , <i>halogen bulb</i> dan sebagainya	5%	0%	0%	5%
	Produk elektrik untuk kegunaan rumah seperti kipas angin, penghawa dingin, peti sejuk dan sebagainya	5%	0%	0%	5%
Barangan Sekatan	Tembakau dan Produk Tembakau	0%	\$60/kg, \$120/kg, \$200/kg, 0.25¢ per stick	0%	\$120/kg, \$240/kg, \$400/kg, 0.50¢ per stick
	<i>Vape</i>	5%	0%	0%	100%
	<i>Vape Juice</i>	0%	0%	0%	100%
	<i>Smoking Pipe</i>	10%	0%	0%	100%
	Bunga api	30%	0%	0%	30%
Plastik dan produk plastik		0%	0%	0%	3%
Produk getah	Produk getah	0%	0%	0%	5%
	Barangan tikar getah	10%	0%	0%	0%
Jam dan alat ganti jam	Tali jam dari bahan besi dan lain	0%	0%	0%	10%
	Jam termasuk alat ganti dan aksesori	5%	0%	0%	10%
	Kaca permukaan jam	10%	0%	0%	10%
Mancis kayu		10%	0%	0%	0%
Payung dan alat ganti		10%	0%	0%	0%
<i>Proximity card</i> dan <i>tags</i>		20%	0%	0%	0%
Kopi dan teh segera		5%	0%	0%	5%
Produk kosmetik, kecantikan dan minyak wangi		5%	0%	0%	5%
Karpit dan pelapis lantai dari jenis tekstil		5%	0%	0%	5%
Fotografi dan cinemagrafik, bahan kimia dan memproses filem		5%	0%	0%	5%
<i>Headgear</i>		10%	0%	0%	10%
<i>Lighter</i> dan <i>decorative hairpin</i>		10%	0%	0%	10%

**Kementerian Kewangan  
Negara Brunei Darussalam**

